

**NITIJELA OF THE MARSHALL ISLANDS
37TH CONSTITUTIONAL REGULAR SESSION, 2016**

**1st Day (Monday) P-I
January 04, 2016**

SPEAKER CAPELLE: Kwelok in an Nitijela eo an aelon kein ej jeblaktok kio non an wonmanlok ilo kwelok kein an ilo 37th Constitutional Regular Session in an Nitijela ilo yio in 2016. Ilo ad jutak wot ne imaron kajitok ippen aolep non adwoj jinoo ien in adwoj kin National Anthem an aelon kein im Uliga Protestant Choir Youth Choir enaj tel koj ilo National Anthem in ad.

NATIONAL ANTHEM: Led by: Uliga Youth Choir

SPEAKER CAPELLE: Ilo ad jutak wot imaron ke kajitok ippen Chaplain eo an Nitijela in Reverend Enja Enos ne emaron wonmantak im kobellok ien in adwoj kin jar.

REV ENJA ENOS: JEN JAR. LET US PRAY. JUON RUJLOK IN RAAN EMAN JERKAN RAAN EMAN RAAN EO KEIN KAEMEN ILO YIO IN EKAAL EO EJ BAREINWOT AKJABWETOK MANIT IN AM ILO AN IROJ REIN AM BED ILOAN MWIIN, KIEN EO ENIJ KAAL EBAR BED ILOAN MWIIN. REIN OTEMJEJ REJ REPRESENT -E KAJOJO AELON KO KAB REIN JERAR IM RAR KOBATOK. EKWE ELON NAAN KO IM MELELE KO RENIJ KOMONI, KWALOKI ILO IEN IN IM NAJ JINO JUON KWELOK EO EKAAL AK IJINO EO EKAAL IM KEM KONAN KAJITOK IPPEM KIO BWE AOLEPEN SET UP IN PROGRAM IN ILO RAININ EN BOKTOK JEMLOK EO IM IJJINO EO ENIJ EMAN NON AELON KEIN AM. KEMIJ KAJITOK KIO BWE YOUR BLESSINGS WILL BE UPON WHAT IS GOING ON THIS MORNING, ALL THE PROGRAM, ALL THE PART OF THE PROGRAM FROM THE BEGINNING TO THE END. IM RO RENAJ KENONO, KAJITOK BWE NAN NAAN KO REKOBOKAKKAK NAAN KO RENAJ BOKTOK AINEMON IM NAAN KO RENAJ EMAN NON ARMEJ IN MAJOL KAB LALIN KIMIJ BED IE. MEN KEIN AOLEP KAJITOK BWE KWON BED ILO AOLEPPEN KWELOK IN JEN JINION NON JEMLOKIN. IN THE NAME OF THE FATHER, SON AND HOLY SPIRIT. THANK YOU. AMEN

SPEAKER CAPELLE: Jouj im jijot. Yokwe komwoj aolep ilo jibonin rainin. Jejo wot naan in koruwainene im yokwe jen jea non aolepen rein otemjelok im rar kobatok ilo ien in. Elikin jenij wonmanlok wot ilo program in ilo agenda ne an jibonin rainin.

Yokwe komwoj aolep ilo jibonin rainin lewoj juon happy new year im kojeramon ilo koba tok in adwoj ilo jibonin rainin. Elaptata non ro uaan Nitijela ilo aelon kein ro rej roltok im ro re kaal tok non jikin bebe in euteij an aelon kein. Ne imaron ilo ien in ilo etan Nitijela eo an aelon kein, ikonan bok ien jirik in non ao lewoj naan in kile im kauteij im koruwainene non aolepen ro otemjej rar maronin kobatok ilo chamber in an Nitijela ilo jibonin rainin. Ikonan ilo etan Nitijela in bok ien in eman im kauteij His Excellency President Christopher Jorebon Loek im First Lady Lieom Anono Loek. Chairman eo an Council of Iroj, Chairman im Iroj Kotak Loek, aolepen Iroj im Leroj ro jot ibellakin aelon kein. Chaplain eo an aelon kein Reverend Enja Enos. Im bareinwot kile im kauteij Chief Justice ak Justice Cadra eo me ej Chief Justice eo an Supreme Court eo an

aelon kein. Kamolol im karuwaineneiki tok non kwelok in elap ilo ien in. Bareinwot konan bok ien in im kile im kauteij Justice eo an High Court, Carl Ingram im aolep judge ro jot ilo bellakin Judiciary eo. Ambassador ro ad rebed ijin ilo chamber in ad ilo jibonin rainin, Ambassador eo an America non Majol in Ambassador Ambruster, Ambassador eo an Republic of China non Majol in Ambassador Chen im Ambassador eo an Japan tok non aelon kein Ambassador Mitsuoka. Bareinwot konan bok ien in im kile im kauteij Ambassador ro ad non aelon ko ak non lal ko ilikin ro im rar maronin kobatok ilo kobellok in an Nitijela ilo jibonin rainin. Bareinwot konan bok ien in im kile im kauteij Mayor eo an aelon kein, Mayor Ladie Jack im aolepen ro uaan Council eo bareinwot aolepen Mayor ro otemjej jen aelon ko adwoj kajojo ibellakin Majol in. Chairman eo an Public Service Commission eo im aolepen ro uaan Commission eo. Ikonan bareinwot lelok juon special kile non Honorable Verney Bermen, FSM ej itok jen FSM Congress im bareinwot non Gerald Zackios, Director eo an Pacific Community tok non Northern Region eo ej base ilo Pohnpei.

Also at this time I would like to take this opportunity and warmly welcome our friends and visitors from USAKA, Kwajalein Colonel Michael Larson and those who have joined him in coming to this very important occasion for the opening of the Nitijela at this time. Bareinwot kile im kauteij Chief Secretary eo an kien in an aelon kein, aolepen secretary ro mottan, aolepen department head ro bareinwot ri tel ro ad ak ro rej jeban State Owned Enterprises ko ad SOE im bareinwot ejja ilo ien in ikonan kile im kauteij im welcome -e ro uaan business community eo, private sector, lewoj kile im kauteij non komwoj aolep ilo etan Nitijela in.

Eliktata im ejab driktata non aolepen armej ro me rar maronin dror-I ien ko aer reman im kobatok non kamol im witness -e kwelok in kein kajuon ilo 2016, kwelok eo an Nitijela kein ka 37th iumin Jemen-Ei in an aelon kein. Eokwe erein ej naan ko me iar maronin buktok ilo etadwoj ilo kilaan kile im kamolol non ien in elap an aelon kein.

Jenij kio walaltak ilo laajrak in jerbak kein ad ilo agenda in ad im ilo laajrak nombra 4, ej lelok kallimur non aolepen ri kwelok rein an Nitijela ilo torein. Ne imaronin kir non aolep dri kwelok ro uaan Nitijela non aer maronin jutak im ejja ilo ien in wot, I'll call on Justice Cadra to administer the Oath of Office to all of the members of Nitijela. Please rise Nitijela members.

JUDGE DANIEL CADRA: Good morning. If the elected members to the Nitijela to please remain standing and raise your right hand.

"Do you solemnly swear that you have been duly elected and properly hold office as a member of the Nitijela of the Marshallese people;

CLERK OF COURT: Kwoj kamol im kallimur ke emoj kalet eok im ejimwe kin kalet eo bwe kwon kabjer office im maron einwot juon eo uaan Nitijela eo non armej in Majol;

JUDGE DANIEL CADRA: That you accept the responsibilities and obligations of that office without reservation;

CLERK OF COURT: Kobjak im kwoj bok aolep jermal im edro ko ilo an ejelok menin boprae eok jen am komoni jermal ko an office in am;

JUDGE DANIEL CADRA: That to the best of your ability will discharge those responsibilities and obligations fairly and in a manner that will bring honor to the office and to the people of the Marshall Islands;

CLERK OF COURT: Im non jonan kapeel im maron eo am konaj komoni im lolorjaki jermal im dro kein ilo ejelok kaljeklok im ilo juon jitibon jermal eo enaj drebij im kejabrok aoo eo an nitijela im boktok uteij im nebar non armej in Marshall Island;

JUDGE DANIEL CADRA: that you will not use your office for personal pecuniary gain or aggrandizement;

CLERK OF COURT: Bwe kojamin kojermal office in am non kojeramon e eok make;

JUDGE DANIEL CADRA: and that you will loyally defend the Constitution and laws of the Republic of the Marshall Islands and promote the welfare of the people of the Republic of the Marshall Islands, so help you God.

CLERK: Im bwe konij tiljek, mol im beran in jurake Jemen-Ei eo im kien ko an Republic in an Marshall Islands im bwe kwonaj komakoj armej in Majol non tobar jeramon im Anij en jiban e eok"

JUDGE DANIEL CADRA: Repeat I do if you do.

Congratulations!

SPEAKER CAPELLE: Kommol tata Justice Cadra. Jenij walaltak wot ilo laajrak in jermal kein an Nitijela im jebed kio ilo laajrak 5, Roll call.

Madam Clerk, jouj im wonmanlok wot im kir roll call ne an Nitijela.

CLERK:

H.E President Christopher J. Loeak....	Present
Senator Wilbur Heine.....	Present
Senator Leander Leander Jr.	Present
Senator Elton Note.....	Present
Senator Jack J. Ading.....	Present
Senator Kalani Kaneko.....	Present
Senator Daisy Alik Momotaro.....	Present
Senator Bruce Billimon.....	Present
Senator David Kabua.....	Present
Senator Amenta Matthew.....	Present
Senator Hilda Heine.....	Present

Senator Thomas Heine.....Present
Senator Alvin T. Jacklick..... Present
Senator Litokwa Tomeing..... Present
Senator Casten Nemra..... Present
Senator Alfred Alfred Jr..... Present
Senator David Kramer.....Present
Senator Kenneth Kedi..... Present
Senator Mike Halferty.....Present
Senator Maynard Alfred..... Present
Senator John M. Silk..... Present
Senator Brenson S. Wase..... Present
Senator Jejwarik H. Anton..... Present
Senator Michael Kabua..... Present
Senator Atbi Riklon.....Present
Senator David Paul..... Present
Senator Sherwood Tibon.....Present
Senator Tony Aiseia..... Present
Senator Jerakoj J. Bejang..... Present
Senator Tony Muller..... Present
Senator Dennis Momotaro..... Present
Senator Mattlan Zackhras..... Present
Senator Kessai H. Note..... Present
Speaker Donald F. Capelle..... Present

Mr. Speaker, ewor 34 present koba kwe Mr. Speaker.

SPEAKER DONALD CAPELLE: Innem eoun uan Nitijela in nan an wonmanlok wot ilo kwelok in an ilo jibbonin rainin. Jenaj wonmanlok wot im kio jenaj bed ilo lajrak nombra 6. Ne imaron kajitok iben Clerk kab ra jet me renaj jibane ilo tore in nan aer wonmanlok wot im koboji kein ekelel kein. Ne rebojak innem jenaj wonmanlok wot im bok nomination ko nan Office in an Speaker. Nitijela ej kakkije 5 minute.

(Kakkije jidrik)

Elikin kakkije jidrik eo Nitijela ej bar joblak tok im jej wonmanlok wot ilo ad bed ilo lajrak in, kalet Speaker eo. Imaron ke mokta jen ad kobellok nan limantak nomination ko, aolep ke im wor aer paper in vote emoj ajeji an jar ka woj? Im eindrein aolep im dedelok.

Ebellok floor ne kio nan lemantak nomination ko.

SEN. MICHAEL KABUA: Speaker?

SPEAKER DONALD CAPELLE: Wonmanlok wot Senator Michael Kabua, wonmanlok wot.

SEN. MICHAEL KABUA: Enwot mic e emakoko in letok an lomnak. Speaker, ilo aoo in kautej in wot im koba waj wot ilo naan in kile kab kautej ko am. Nan ad kojebarak ien bwe eaurok ien, inaj wonmanlok wot im ne emman ibam Speaker, mokta jen ao lemanwaj kelot in arro, ne imaron kobaiktok jet naan reiet ilo ien in?

SPEAKER DONALD CAPELLE: Wonmanlok wot Senator.

SEN. MICHAEL KABUA: Kommol Speaker. Speaker, naj, ilo etad woj jimor, ikonon mokta lelok ien in im kamolol eo ej letok ejmour elab tata kab enwot ao kar ba koba waj ilo naan in kile im kautej ko am nan kar koj woj ilo jibbonin.

Speaker, armij in ij lemantak elab adwoj melele kake im ijela kajien im jej lelok ad kamolol e kon jermal ko an ilo yio ko ilo term ko rej jemlok bwe ej juon ian mottan armij ro me eto aer bed ilo Nitijela in, ejab ruwameijet nan jermal ko ad, ilo mol, konan eo an armij in bwe en kaal uaan Nitijela. Im ilo mol jen jermal ko ad liktak ear wor bod ko jaar komani, koj woj aolep ijelokin wot bolen rein rekaal tok enwot ad melele ke elletok in armij. Ak jej ekatak jen bod ko ad. Judas ear bod leo ear lor Jesus erro Peter, juon iaero ear jako ak juon ear jolok an bod ilo kako eo ear ikkur kein kajilu.

Etal wot jen in Speaker, ak jej lelok ad kamolol armij in kon jermal ko an remman nan koj woj ilo lal in ad. Ejelak kotoblab, ejela lale armij, etta im wewein ko jet me kojwoj ej kalimjeki ilo mour, ilo politics, ilo manit, im ilo adwoj jemdron iloon Nitijela in. Jen jinoin an kar Nitijela in bellokon nan rainin koj woj ej jemdron iloon im mol elon aban ko jej ioni ikijen relationship ko ad, ikijen jermal ko ad, im elon men ko jeban bwini enaj bok rainin. Ak juon in yio ekaal, kokaal lomnak ko adwoj, jej kojermal naan in jermal iben dron ak jejab kojermal, jen kojermal ilo yio in ekaal. Armij ej men eo imaan tata reaurok im armij in elon an armij, ejela lale armij, eminene kon armij, im mol enwot ao ba ekar lab ijo kwonan enwot koj woj aolep ak juon in ien. Im ej kotobar eo ad in bwe lal in ad en wonmanlok, personal problem ko adwoj iben dron reaikuwonliktak bwe elon jermal ko reutej lok ilon belak in Majol in im likin Majol in.

Im Speaker, inaj kar kenan kon armij in im eraan ak naj lemanwaj Iroj im Former Christopher J. Loek bwe en adwoj Speaker ilo yio kein im term in ej bedro tok. Enin bebe eo naj lemanwaj.

Kommol Speaker.

SPEAKER DONALD CAPELLE: Kommol tata Senator Michael Kabua. Enoj an ieo juon bebe im juon nomination enoj an official, President Loek nan Office eo an Speaker. Ej bellokon wot floor ne nan lemantak nomination.

SEN. SHERWOOD TIBON: Speaker, ijo?

SPEAKER DONALD CAPELLE: Wonmanlok wot Senator Tibon, wonmanlok wot.

SEN. SHERWOOD TIBON: Kommol Mr. Speaker. Ilo etan aolep moktata Iroj kon jibbonin rainin. Lile Iroj rein ad rar koba tok, im kile Mr. President, aolep armij rein rar koba tok ilo jibbonin. Naij jab maron konono elab im enwot Iroj e ao ije ijowot ke imaron komane nomination e ao bedbed ion tomak an armij. Im kon menin Mr. Speaker, ilo etan aolep jodrikdrik ro woj najj nominate –I jodrikdrik eo juon motta Honorable eo jen aelon in Rongelap, Senator Kenneth Kedi.

SPEAKER DONALD CAPELLE: Emej an ieo juon bebe raan floor ne nan emoj nominate –I Senator Kenneth Kedi nan Office eo an Speaker. Ej bellok wot floor ne, elane ejelok bar jabdewot, ewor ke bebe nan kiil nominate? Emej bebe im rejeta bwe en kilok nomination. Ro eindrein aer lomnak ren jouj im ba aet? Einjuon jaab? Im eindrein emoj an kilok nomination nan Office eo an Speaker.

Emoj an ajedeed pepa in ballot ko nan komani vote ko ikijen Office ne an Speaker. Wonmanlok wot im komani vote ko ami im rijerbal ra iman renaj iwoj im buki jen kom woj kajojo. Lewaj juon im ruo minute nan ami komani vote ko ami.

Jemaron ke aini vote kein kio ro rej bok eddo?

SEN. KESSAI NOTE: Mr. Speaker, jemaron ke kajitok bwe en wor juon police escort iben ledrik ne ej collect –I ballot kane?

SPEAKER DONALD+ CAPELLE: Ej emman wot. Wonmanlok wot im kwalok oran ballot ne ijone.

CLERK: Kommol Mr. Speaker. Oran ballot e ear aintok nan table e an Clerk ej 33.

SPEAKER DONALD CAPELLE: Wonmanlok wot.

CLERK: Kio inaj wonmanlok wot im kir kobban ballot kein. Ballot e moktata, Kenneth Kedi, Christopher Loeak, Kenneth, Kenneth Kedi, Christopher Loeak, K. Kedi, Senator Kedi, Kenneth Kedi, Kenneth Kedi, Chris L., Senator Kenneth Kedi, Kedi, Kenneth Kedi, Senator Kedi K., Christopher J. Loeak, Christopher Loeak, Chris Loeak, Chris Loeak, Christopher Loeak, Ken Kedi, Kenneth, Kenneth Kedi, President im Iroj Christopher Loeak, Christopher, Christopher J. Loeak, Senator Kenneth Kedi, Chris Loeak, Kenneth Kedi, Kedi,

Audience: (KABOKBOK)

Kenneth Kedi, Chris Loeak, Chris, ballot e eliktata K. Kedi.

Kio tokjen ekelel eo ej kab jemlok nan Office e an Speaker ilo Nitijela eo an armij in Majol, ear ilok nan Iroj Christopher Loeak, 14 vote im Senator Kenneth Kedi, 19 vote. Kommol Mr. Speaker.

SPEAKER DONALD CAPELLE: Kommol tata Madam Clerk. Innem eindre in emoj an Nitijela eo an aelon kein kelot juon Speaker kaal nan Nitijela in nan an tol lal in im Nitijela in ilo yio kein emen (4) rej bedro

tok. Jenaj kio wanlaltak ilo lajrak in jermal in ad im jenaj bed kio ilo lajrak 7, lelok kalimur nan Speaker eo ekaal.

Ilo ien in ne ilo kile im kautej imaron ke kajitok iben Senator Kenneth Kedi, Speaker eo ekaal an aelon kein nan an wonmantak nan an bok kalimur. Im elikin inaj lelok gavel e ak ama e im ej bwinjen Office e an Speaker nane nan an wonmanlok wot im naj tol kwelok in an Nitijela jen kio im wonmanlok.

Senator Kedi ak Speaker Kedi, ne komaron wonmantak?

At this time the administration of oath would be given to Speaker-elect Kedi who would be Administer by Chief Justice Cadra.

CHIEF JUSTICE CADRA: (cut) *Lelok kalimur nan Speaker Kenneth Kedi*

(KABOKBOK)

SPEAKER KENNETH KEDI: Kommol aolep. Ne jemaron bar lelok juon kabokbok ellaaj nan Speaker Capelle.

(KABOKBOK)

SPEAKER KENNETH KEDI: Kamolol Anij ilo jibbonin rainin. Ilo tore in jenaj wonmanlok wot ilo agenda ne an jibbonin rainin ekkar nan an ellajrak iumin karok im ellajrak ko ilo Jemen -Ei eo ad kab barenwot rule im procedure kein an armij in aelon kein. Im jebed kio ilo item nombra 8 ilo agenda ne ad nan ad wonmanlok wot im komane jokelet eo ikijen jea eo an Vice Speaker eo an armij in aelon kein im Nitijela in. Im ilo tore in mokta jen an naj ledrik in ajeje ballot, ebellok floor ne nan koman nomination nan jea eo an Vice Speaker.

Inaj kile Honorable Senator Tony Muller jen Majuro, wonmanlok wot.

SEN. TONY MULLER: Speaker, kimmol. Im lewaj ao naan in kojeraman kemiro kon juon jermal elab nan naj aelon kein, congratulations. Ikonan barenwot lelok ao naan in nebar im kamolol outgoing Speaker eo adean Donald Capelle im kojeraman kora eo jined Rosita koba family eo aerro. Kommol kon korwan ko ami iumin emen (4) yio, jeraman ilo jermal ko ami ilo yio kane rej bedro tok. Kamolol Anij kon juon ien emman im kile aolep, bar juon alen lewaj Happy New Year. Armij in naj tan jakemantak Speaker, ejab juon eo me ekaal nan political arena in adean enwot ke ear tol juon ian aelon ko ad jemaron ba aelon eo jeran aelon in enwot juon Mayor iumin yio lonlon ko im ejab kaal nan political arena in. Im armij in Arno rar bar juon alen likit leke eo aer iben bwe en tol er ilo jikin bebe in eutej an armij in aelon kein. Im ilo ien in Speaker, naj wonmanlok wot im nominate –I rikwelok e jeiu jen Arno Senator Jejwarick Anton.

SPEAKER KENNETH KEDI: Ewor juon nomination nan nominate –I Senator eo Honorable Jejwarick Anton jen Arno has been seconded, ededelok second e, ej bellok wot floor ne.

SEN. TONY AISEIA: Speaker?

SPEAKER KENNETH KEDI: Inaj kile Honorable Senator Tony Aiseia jen Namu, wonmanlok wot.

SEN. TONY AISEIA: Kommol Speaker bar juon alen. Ikonan koba lok iben rikaki eo jemed Chaplain eo an Nitijela in kobalok iben Former Speaker kab Senator Michael kab ro jet nan kwalok naan in kile im kautej nan kokadruik ien. Im eddreik lok jidrik im koba lok iben Senator eo motta jen aelon in Senator Tony Muller nan lelok naan in kamolol nan Speaker Donald Capelle, enwot ke ekadrik lab ijoko kwanan koba lok iben Rosita.

Speaker, rikwelok in naj tan lemantak ejab juon eo joj jaje kajien, joj jela kajien enwot ke ear barenwot tol juon ian Local Government ko ak aelon ko me iloan aelon kein im ear barenwot tol group eo an Mayor ak MIMA ak (Marshall Island Mayor's Association) iumin elon yio ko. Elikin ear barenwot mejen im lojilnin armij in aelon in ilo Local Government eo adwoj ilo aelon in. Im ejelok nirbokat im ewor ao tomak ke joj melele kake kab jerbak ko an im ij bareinwot kile nomination eo juon einwot ke ear bar wanlontak ilo ien in. Ak ilo ien in Mr. Speaker, nan kokadruik ien ilo torein kio naj jomanwaj juon ao nomination nan ao nominate -I Honorable Senator Eldon Note jen Bikini/Kili/Ejit bwe en kabwijor jea eo an Vice Speaker umin yio kein emen (4) im rej bedotok ne eman. Eindrein ij bebe Speaker.

SPEAKER KENNETH KEDI: Ewor juon bebe ion floor ne nan nominate -I Honorable Senator Eldon Note jen Kili/Bikini/ Ejit eo emoj second. Ej belok wot floor ne nan koman nomination ak elane ejelok, ewor juon motion nan move nan kili? Ewor ke second? Emoj an kilok nomination, kajitok ippen page girl ro bwe rej jouj im ajeji ballot ko nan kajojo rikwelok rein. Aolep ke im lon aer ballot? Ewor ke en ejelok an?

Clerk, ne ededelok jouj im aeini ballot kane an kajojo rutiej rein. Clerk, elane 33 uaan ballot ne, wonmanlok wot im bwini.

CLERK: Kommol Mr. Speaker. Emoj an tobrak tok 33 ballot ko kanni nan oppij eo an Vice Speaker. Im inaj wonmanlok wot im kir kobban ballot kein. Ballot e mantata; Eldon Note, Eldon, Jejwadrik, Eldon Note, Eldon Note, J. Anton, Eldon Note, Senator Jejwadrik Anton, Jejwadrik Anton, Eldon Note, Jejwadrik, Eldon Note, Eldon Note, Eldon, Eldon Note, Jejwadrik Anton, Jejwadrik. A, J. Anton, Anton, Senator Jejwadrik Anton, Senator Anton, Senator J. Anton, Senator Note -KBE, Vice Speaker Jejwadrik Anton, Jejwadrik Anton, Eldon Note, Jejwadrik, Jejwadrik, Eldon, Jejwadrik Anton, Eldon, Jej Anton jen Arno, J. Anton, ballot eo eliktata.

SPEAKER KENNETH KEDI: Clerk, komaron ke letok nan record kane an Nitijela in, letok official result in ekalel eo an Vice Speaker kio?

CLERK: Kobar emol Mr. Speaker. Jen tobrak in ekalel eo nan oppij eo an Vice Speaker ilo Nitijela eo an armij in Majol ear ilok nan Senator Jejwadrik Anton 19 vote ko im Senator Eldon Note 14 vote ko.

SPEAKER KENNETH KEDI: Jemaron ke lelok kabokbok nan Vice Speaker eo ad ekaal?

(KABOKBOK)

Jeraman nan armij in Arno kab elaptata armij in aelon kein. Ilo torein ilo item agenda ne ad enaj koman kio kalimur eo an Honorable Vice Speaker, Jejwadrik Anton im enaj administer oath in jen Chief Justice eo ad, Daniel Cadra. So please Honorable Chief Justice, if you can administer oath for our Vice Speaker? Im Vice Speaker, komaron ke wonmantak kab bareinwot boktok better half, kora eo ritirum nan ije imaan?

CHIEF JUSTICE CADRA: Lelok kalimur nan Vice Speaker eo.

SPEAKER KENNETH KEDI: Lelok kabokbok. **KABOKBOK**

Thank you Chief Justice im Madam Chief Clerk kab bareinwot Vice Speaker im kora eo. Ilo torein kio jenaj itok ilo Jemen Ei ne ad elon jillu (3) ra ko im pillar ko rejenolok ilo an kar Iroj ro ad kab armij in aelon kein kalet bwe en bed im lolo ilo Jemen Ei eo ad, juon iaer ej Judiciary ij Chief Justice Ingram kab ro, judge ro mottan rej bok eddon, juon iaer ej oppij in an Speaker, enin im jar komane jokalet in rainin, im juon iaer ej bareinwot oppij eo an President ikijen executive authority eo ak Cabinet. Pillar kein raurok nan koman jermal ko an armij in aelon kein elaptata kotlok bwe kien anemkwoj en bok jikin im jeraman en drelontok nan armij in aelon kein. Im ilo torein kio jej monono bwe juon ian part ko rebareinwot aurok ilo jibonin nan ad kalet President eo an lal in ad, Head of State. Im ilo tore in mokta jen an ledrik rein ajeje ballot kein, inaj bareinwot kobelok kio floor ne nan koman jabdrewot nomination ikijen Head of State, ebelok floor.

SEN. MICHAEL KABUA: Speaker?

SPEAKER KENNETH KEDI: Wonmanlok wot Senator im Iroj Mike?

SEN. MICHAEL KABUA: Kobar emmol Mr. Speaker, ilo aoo in kautiej wot nan kijwoj aolep ijin jen ke ejibon tok nan kio. Ak Speaker, nan kaurok ien, armij in ij itan lemanwaj kio elap arro jela kajen ear jermal ilo elon jermal ko adwoj ilo kien in ad, im eliktata ear juon ian ra ko me kijwoj melele kake ke ej jermal ippen Cabinet eo im President eo an aelon kein. Chief Secretary jen oppij eo im jekadrik melele kin armij in ej juon likao ej kaal tok einwot kalet in an baj armij nan melele in ke en kalet kien in adwoj. Enin ej wonmantak einwot adwoj melele ej juon armij eo me ejela kotamlap, ijela ke enaj kanuijin jela jermal ippedwoj aolep, ejelok berre einwot ke emoj adwoj bok kalimur im ejela kwonan im ejab men kein wot, ilo belakin Majol in ilo aer kalimjoke. Ak ilo an lal in bar kalimjok kojean, aurok bwe kijwoj en ippen dron kake, wonmanlok kake, jiban e, aolep men ko ikijen adwoj jermal. Im e ej juon armij eo jej kalimjoke kin belakin turin im makitkit im wawein ko me armij rej kile ke ej juon armij in tel eo enaj eman, enaj mol, im wawein ko ejelok bere kake.

Mr. Speaker, bareinwot eliktata lewaj ao naan in kile im kautiej eok, naan in kojeraman nan kwe im baamle eo, bareinwot nan Vice Speaker Anton. Im kamolol nan Speaker eo ej kab jijot lok nan erro Donald Capelle. Im ijela ke kijwoj ej kajibaroke eo in bwe joj en jerbale mol nan armij ro einwot kalimur ko jar buki kio ejibon.

Speaker, ilo kautiej naj lemanwaj Senator Casten Nemra bwe en adwoj President ilo yio kein rej bedotok bareinwot nan adwoj naj jerbale ippen ilo raan kane rej bedotok ilo term in ekal, einwot ke e ekaal, konan eo ad in bwe kien in ad en kaal, enin naj lemanwaj ilo kautiej Mr. Speaker. Kommol.

SPEAKER KENNETH KEDI: Kommol Senator Mike. Elon ke ej second? Ededelok second, ewor juon nomination elikieo ion floor ne nan nominate -I Honorable Senator Casten Nemra jen Jaluit bwe en juon ian candidate ro nan jea eo an President.

Inaj kio kile Honorable Senator Brenson Wase, wonmanlok wot?

SEN. BRENSON WASE: Kommol wot, kommol wot tata Mr. Speaker. Konaj jolok arro bwod im inaj jolok ao bwod ibben armij rein kin ainikiero jibonin bwe ikar kiki iumin drel eo im ejaad joran jidrik. Ak aet ilo ien in kio ej juon ien eo aurok nan kijwoj jimor. Im ikonan kamolol moktata jemed woj ilan, Anij jemedwoj ilan kin karok kein im mejatoto kein ear litok im likit ippen armij bwe ren letok juon message eo elukun clear im alikar. Ikonan kautiej Iroj ro ad elaptata iroj ro ad ilo Council of Iroj, imweo imon Iroj im aolep armij in Majol elaptata armij ro me aer jea kein im jaar komani kalimur ko ad einwot ko me kwar buki Mr. Speaker, im ko me Mr. Vice Speaker ear bareinwot buki ikijen jimwe, ikijen mol, ikijen kijbarok kakien ko, ikijen protect -e Jemen Ei ne im likit armij iman.

Elon factor ko im naj erra ippen Iroj Senator Mike, ke elon factor ko kab issue ko kijwoj ej jelmae, elon rej personal ak elon ko raurok lok iman ilo ad kalek Majol in nan ad maron tobar juon mejen kajik eo jemaron enjoy im enaj eman nan armij in Majol. Kalet e ej bedbed wot ion message in ear wonmantak im kimjean ej watake ke ej mandate eo an armij in, ilo kar itok ilo election eo ej jemolok. Ewor menin jej konono kake ilo spirit in cooperation mekarta ilo competition ko woj elaptata ilo friendly competition, ewor thrill of victory, botab ebar wor agony of defeat botab at the end of the day, jej aikuj meloklok menkein im focus e wot menin kotobar ko nan juon mejen kajik eo enaj kojeraman armij. Ij erra ippen Iroj Mike ilo an ba ke personal issue ko adwoj jen dron jen set aside im focus wot ilo menin kotobar ko elaptata men ko me renaj kojeraman armij kake elap bareinwot men ko me jejjab ioni im jenaj kojembali nan personal gain ko ad ilo ad kojembali oppij ko ad. Ak menin ej juon meneo eaurok im bedbed in juon foundation in kalet juon eo aikuj tel aelon kein.

Mr. Speaker, elon issue ko joj naj jerbale im ne Nitijela in enaj letok bebe eo an nan kalet in ak nomination in ij itan lemanwaj, innem issue ko jet jen ijin im etal jej aikujin jerbale ippen in konono kake im jake manwaj. Juon eo etto an jerbale ilo political arena in, ilo local government ko, ilo aelon ko, Kwajalein, Jaluit im bareinwot Kwajalein, juon eo emol ilo jerbale in money im ejelok boktak ilo lale, juon eo emol ilo kotobale jerbale in money bwe en jab misuse jabdewot money ko rej aikuj kojeraman armij ilo provide service ko rarurok nan armij. Mr. Speaker, juon eo ear Mayor nan Kwajalein, ear bareinwot Senator nan Jaluit im rainin ej bareinwot jerbale nan, einwot juon Senator nan Kwajalein. Juon eo ear Minister nan Foreign Affairs, juon eo ear Minister nan Health Services, im juon eo ear bareinwot

Speaker. Ilo ao utiej im konono ilo etan likao ra motta im komean ej bin wot kin message in im mandate in an armij, ekwe najj jake manwaj Senator Alvin Jacklick einwot juon candidate nan oppij in jaikuj kajimwe an jermal. Kommol.

SPEAKER KENNETH KEDI: Ewor juon nomination nan Honorable Senator Alvin Jacklick jen Kwajalein im emoj second e. Im ne ej wor wot nomination ak elane ejelok, ewor juon motion nan kiil floor im it's been seconded innem enaj jokjokin dre ne ilo torein.

Im Madam Clerk, jouj im wonmanlok wot im ajeji ballot kane nan kajojo rikwelok rein an armij in aelon kein.

SEN. TONY MULLER: Speaker, ilo kautiej, jolok bwod?

SPEAKER KENNETH KEDI: Privilege ke? Wonmanlok wot mok?

SEN. TONY MULLER: Privilege ilo tore in rej ajej. Einwot ejaad koboob jidrik side io maan ak juon ion jea ebelok ijien, etke ejab emakit juon nan jon bwe ren jab koboob ijo? Bwine ijone maan ewor 6 ijone maan im 7 side iio. Ilo kautiej, kम्मol.

SPEAKER KENNETH KEDI: Kम्मol Senator. Inna ne Honorable Senator eo an Likiep, ijjab jela etke arrangement eo ear itok im eitok im kenaak Senator e an armij in Likiep nai ilo kona e. Ak as a elected Senator, you need to sit on your own table on your own seat so please go ahead im wonmanlok im etal im jijot ilo jea iuweo kojero ear jijot ie. Jea en ijuweo ippen, turin Senator Alfred kab Senator Kramer, inna ij lo ke ebar bwe an kenaak ak ejelok lukun juon am table ijone. Kम्मol Senator.

Retty, ne emoj an jijot, page girl, konaj jujen lelok wot name tag ne an iturin, kम्मol. Kम्मol Senator ilo am ronjake. Ewor ke an aolep ballot? Ewor ke en ejelok an? Innem ne elon an aolep ballot, jouj im wonmanlok wot im kanni im ledrik ra, page girl ra renaj wonmanlok wot im Madam Clerk, ne emaron aeini ballot kane an rikwelok rane an armij in aelon kein.

Madam Clerk, ne eoun 33 ballot, wonmanlok wot im tabulate - I result in election eo kio an President.

CLERK: Kम्मol Mr. Speaker, bar juon alen. Ibba ije emoj an itok oran ballot e nan oppij e an President, Republic eo an Marshall Islands ej 33. Im inaj wonmanlok wot kio im kir ballot eo mottata; Casten Nemra, Casten, Casten, Alvin, Casten Nemra, Casten Nemra aenikien jodrikdrik, Senator Casten Nemra, President Alvin Jacklick, Casten, Senator Casten Nemra, Alvin Jacklick, Alvin Jacklick, President Casten Nemra, Casten Nemra, Alvin. J, Senator Alvin. J, Casten. N, Honorable Alvin Jacklick, Alvin Jacklick, Alvin, Alvin J. Jacklick, Casten Nemra, Senator Alvin Jacklick, Casten Nemra, President Nemra, Casten Nemra

KABBOKBOK

A Jacklick, ballok e eliktata A Jacklick.

SPEAKER KENNETH KEDI: Madam Clerk, ne komaron letok nan record kein an Nitijela total in vote im result eo an President.

CLERK: Kommol Mr. Speaker. Jen tobrak in ekkalel eo nan Office eo an President eo an Republic eo an Marshall Islands ear ilok nan Senator Casten Nemra 17 vote ko im nan Senator Alvin Jacklick 16.

SPEAKER KENNETH KEDI: Lelok kabbokbok nan Honorable Senator Casten Nemra.

KABBOKBOK

Kommol tata.

Ilo tore in ilo item agenda ne ad, jenaj ronjake juon naan aorok im elap einwot imenene ko an Nitijela in ad kab ilo an armij in aelon kein kautej manit eo ad im Iroj ro ad ilo mweo imweir, jenaj ronjake juon naan jen mweo imon Iroj im Chairman Iroj Kotak Loeak enaj letok nan kojwoj ilo jibbonin rainin. Jemaron ke karuweineneik Iroj Kotak Loeak kon juon kabbokbok.

KABBOKBOK.

CHAIRMAN KOTAK LOEAK: Kommol Mr. Speaker, kon am kile einwot am ba manit in ad nan ao wonmanlok wot im bok kunao ilo etan aolep Iroj ro ilo Council eo an Iroj, owner eo kab aolep Iroj ellap ro ilo belak in aelon kein im aolep armij in Majol.

Einwot adwoj melele bwe Nitijela in ad kio ekaal, ej ijino jen kio im iar jab bojak kon juon naan elap botab inaj wonmanlok wot im kwalok jidrik ao naan in kamolol kar administration eo lok ilo kar tobrak in jermal ko an nan lal in ad. Iban kojjeban ta ko bwe joj aolep im kar loe ko mejed, emoj ad kamoli. Im elap ao kamolol aoleppen cabinet eo kab Nitijela eo, President eo kon jermal emmanmon ko an nan aelon kein ad ilo emen iio ko rej jemloklok.

Im mokta jen ao naj wonmantak nan ao lelok naan in jerammon nan Kien in ad ekaal ekwe inaj konan lewoj ao naan in kile im kautej maktata Anij jemed ilan, ijelokin President in ad ekaal, ikonan lelok ao naan in kile im kautej e bareinwot baamle eo an, Speaker eo ad ekaal, Vice Speaker im baamle ko aer, im naj rijerbal ro aer elane enaj moj aer kalet er, aoleppen senator rein woj iloan mwin, Iroj rein relap ad raar itok im rebed ibbed ilo torein, ikonan lelok ao naan in kile im kautej er. Ewor ao tomak in kojatdrikdrik ke government in ad kio enaj wonmanlok wot im komani jermal ko remman im jaikuji ilo aelon kein ad. Im jermal kein an Nitijela in ad ejjab jet jermal ko rebidodo im jet ien jej konanaik dron kaki ak jen melele bwe ejjab bidodo jermal kein, rekadrik bin.

Ikijien money ejjelok ad jaan nan ad buktok kein kojerammon kein rej kojerammon koj ak ilo an rein rej ilam kajitok kon menkein, jet ien relap itok redrik ak jet ien relax itok ekwe rejjet kajitok kan ad ak rerumij im ejjelok unin an konanaik dron kon menin ak jen monono bwe retrak, rej tobrak jabrewot ien jej kajitok.

Ekwe bar juon ijelokin, ikonan kio kile kio commanding officer eo an USAKA, Colonel Larson, Ambassador eo an America US nan aelon kein, Armbruster, Ambassador eo an Taiwan, Chen, kab Ambassador eo an Japan Mitsuoka, ikonan kile er im kautej er ilo ien in im kile aoleppen rein otemjej iloan mwin, Reverend Enja Enoj, family eo an kab rein otemjej raar kweloktok elaptata choir rein, choir in an Uliga kab rein jet renaj itok letok mejatoto ko remman nan Nitijela ilo jibbonin rainin.

Ekwe einwot ao kar ba ke ejjelok ao enaan kio bwe ej jab baj jino kwelok kein rekaal an Nitijela im naan ko ad renaj bojak nan ien kane rej itok. Ak tore in kio ikonan lelok kojerammon nan aoleppen rein renaj bojak in kabwijor jila ne kab emmejrake aelon kein ilo iio kein emen rej bedotok. Ekwe menin wot, kojerammon uaan cabinet eo lok kab Nitijela eo, lewoj ao naan in kamolol kom kon kijejeto ko ami kar nan aelon kein iumin iio ko emen rej bedolok. Kom kanoj in emmol.

SPEAKER: Kommol tata Chairman/Iroj Kotak Loeak, kon naan eo emman im bar kakememej im rojan Nitijela in im armij in aelon kein. Ilo tore in ekkar nan agenda in enaj itok juon al in kamoloik kojwoj, kojwoj ar kobatok ilo raeleppen rainin jen Bukot nan Jesus choir, ne jemaron lelok juon kile nan er ilo aer boktok juon al nan koj.

KABBOKBOK

BUKOT NAN JESUS CHOIR: AI

KABBOKBOK

SPEAKER KENNETH KEDI: Kommol tata Bukot nan Jesus Choir. Ilo ellajrak e an jibbonin rainin, enaj itok juon naan jen President-elect nan kojwoj ilo jibbonin rainin. Im ne jemaron kile President-Elect Casten Nemra bwe en wonmanlok im itok nan podium e imaan im letok naan eo ilo jibbonin rainin nan kojwoj. Lelok juon kabbokbok.

KABBOKBOK

H.E. PRESIDENT NEMRA: Kommol Speaker Kedi. Mokta jen ao wonmanlok im kwalok jejjoo naan ko, ikonan bok ien in emman im aorok ilo ad reilonlok im kamolol jemedwoj ilan einwot ke e eo ej ujen men otemjej, mour im ejmour, im ta kein ej karok nan koj ilo ad koj armij make jab melele kaki. Ikonan bareinwot bok ien in emman im lewoj jomokaj in Happy New Year bareinwot kile im kautej Irojilaplap rein ad, Leroij rein, Owner eo, Speaker, Vice Speaker, rikwelok rein ilo Nitijela ilo term in ekaal, Mayor rein woj kajojo, ro uaan Diplomatic Corp eo, kobalok ibben Ambassador ro ad make ilo aer represent -e armij in Majol ilo aelon ko ilikin, kajojo drolul ko an kora im youth, business organization ko, ro uaan jeban ko an ministry im agency ko, ro ilo PSC, Commissioner ro, Chief Secretary eo, Department Head eo, aolep armij in Majol. Im eliktata im ejjab drikdrik, naan in kile im kautej Chairman Kotak Loeak, rikaki in jemed, Reverend Enja Enos, Chief Justice Cadra, bareinwot aolep rikaki ro jemed ilo kabun koba ibben kora in rikaki ro jined ilo aer kotak aelon kein ien otemjej kon ta kein rellap im rebed imaan Marshall Islands.

Ij jutak ijin ilo ejjelok kotomane ke enaj kar eindrein ak ke ij drelontok iar likit ilo buruwo ke aolep men rebed ilubdren pein eo rikomanman im enin emoj an walok. Im naan eo elap ilo tore in ikonan ba, ikonan lewoj naan in kamolol, kile im kautej kojwoj aolep im kwalok ke edrik ien nan adwoj ibben dron elaptata rein ilo Nitijela lali menin jermal kein rellap im aikuj kein an armij in Majol rebed imaan. Im jej reimanwoj ilo ad naj jermal iben dron ilo juon wot boro im kotobar kon ta kein armij in Majol rej konan bwe koj ro rej aer rijilok ren komani bwe ren dedelok im tobrak kab lanaj level in mour bwe en jokkun wot juon nan aolep armij im kajojo aelon.

Eban lon naan inaj bar ba Mr. Speaker, ej baj itok wot ien kane nan ad karok program in kwalok kotobar kein kab organize -i koj, administration in ekaal. Ak mokta jen ao kiil ien in im kojemloke, ikonan kojelok kora eo ibba Terry Paul Nemra, kon support in jiban ko an koba baamle eo, ilo ien kein rellap im rebbin. Anij en kojerammon kojwoj aolep im Anij en kojerammon Marshall Islands. Kom emmol.

SPEAKER KENNETH KEDI: Kommol President-Elect Casten Nemra. Ilo lajrak e an jibbonin rainin, enaj itok juon naan in kamolol jen Office eo an Speaker, ilo etadwoj einwot an armij in aelon kein elaptata chamber in ilo jibbonin rainin. Inaj wonmanlok wot im letok kamolol eo an Nitijela.

Kamolol Anij mantata ilo ad jab lukkun melele kon agenda in ebed imaan mejed naj kar ellajrak eo. Jej kamolol Anij ilo karok im bebe ko an. Aelon kein raar jar, na ijela im imaron ba ke Ecclesia ko raar jar kon ekkalel eo ear bed imaan. Im armij in aelon kein raar komane jokalet eo aer ekkar nan tomak eo aer bedbed ion kein kajuon, jela eo aer kon Anij, kein karuo, Jemen -Ei eo an armij in aelon kein kab manit eo me ej ekkejel ilo Jemen -Ei in. Im jej kamolol Anij bwe ear kojeblak kojwoj 33 rein me rej kabwijor jea kein, jea in jermal kein an armij in aelon kein ilo ad bed ijin nan ad jermal nan armij in aelon kein. Jaar bareinwot jar, nan ikonan kwalok ke ikar bukelelel kej jibbon im ijab eliklik in ba iar bukelelel kej jibbon im jar kon bareinwot jibbonin rainin. Ij kamolol Anij kon bareinwot lajrak in emoj an kalikkar nan koj ilo awa in jej bed iloaan jikin bebe in eoutej an armij in aelon kein.

Ikonan kwalok ke jea in an Speaker, ej juon jea eo enaj bin komadmode. Nitijela ej jikin rijela im aoleppen rikwelok rein rej bed ijin ej ro rej make wot jenelok jen jukjuk in bed ko ad armij raar boktok nan ijin. Melelein bwe eo enaj kabwijor jea in im kojeikik jermal in enaj bwe an bin an komane. Botab jej reilok iloaan mol in kab tomak in ke elane kolemenlokijon eo ej bed ibbed aolep koj ritel ke armij mokta innem jermal kein ad renaj bidodo ilo ad komani ibben dron. Im ikonan bok ien in einwot ke ien in enaj ien letok naan in kamolol, kile aolep komwoj kom ar kobatok ilo raeleppen rainin nan witness -e bar juon historical jebta ilo jermal im kien an armij in aelon kein. Kile Iroj rein ad rellap, aolep ien jej kojelok er kon utej eo aer jen Anij katok ion aerair. Im bareinwot kile rein rebed imaan, rikaki in jemed im aolep rikaki ro mottan. Kile Chief Justice in im aolep judge ro mottan im aolep kojwoj kojwoj ar kobatok ilo raeleppen rainin. Im jen jea in kamolol ro raar bok kunaer nan kaiboj kobatok in ad im koman bwe joj en maron kobatok im komane mandate eo iumin Jemen -Ei eo ad einwot an ellajrak ilo Article 4 in Jemen -Ei eo ad. Kamolol im kojerammon nan aolep kajojo rein emoj aer bok jikier ilo etamro, ilo etan Nitijela in nan komwoj kajojo kab baamle ko amiwoj kajojo. Anij en kojerammon Marshall Islands.

Ilo tore in jenaj wonmanlok wot im ronjake al eo kinen Nitijela jen Ekklesia eo juon im aolep ien ej boktok naan in nan kakememej koj kon aorok in jermal kein ad.

Uliga, jouj im wonmanlok wot.

ULIGA YOUTH CHOIR: Al

KABBOKBOK

SPEAKER KENNETH KEDI: Kommol Uliga Protestant Church choir, kon aolep ien komij itok im letok al ion kitwe jikin bebe in an armij in aelon kein. Kommo emmol.

Ilo tore in mokta jen ao lelok nan rikaki e, ikonan jidrik kojela nan aolep ro me ekar wot aer invitation nan luncheon eo ej koman ilo naj ICC. Jouj im naj kobatok, Office eo an Speaker ej host -i kojwoj ro me ekar etal invitation nan er im bareinwot ij tomak ijin naboj enaj bareinwot bojak nan armij rein mottad raar bojaktok nan kobelok in an armij in aelon kein. Im jenaj aikuj juon motion elikin wot an naj rikaki e boktok jar eo nan kakkijeik Nitijela mae ien Speaker enaj kir. Im inaj mokta lelok nan rikaki eo jemedwoj im jemen aelon kein im jemen Nitijela in, Chaplain eo ad Enja Enoj bwe en wonmanlok wot im boktok jar eo im limtok kobelok in an rainin.

REV. ENJA ENOS: Jar in ikkilok.

SPEAKER KENNETH KEDI: Kommol tata rikaki. Im ilo tore in jenaj aikuji juon motion nan kakkijeik Nitijela mae ien jea enaj kir. Honorable Senator David Kramer jen Majuro.

SEN. DAVID KRAMER: Kommol Speaker. Im ij koman ao bebe bwe Nitijela en kakkije mae ien Jea enaj kir, eindrein ao bebe.

SPEAKER KENNETH KEDI: Ewor juon bebe bwe Nitijela en kakkije mae ien eo jea enaj kir. Ro eindrein aer lomnak ren ba aet? Eo einjuon jaab? Innem Nitijela ej kakkije mae ien Jea enaj kir.

Ilo kautej,

Journal Clerk